

Pengguna jalan raya berhak fail saman, tuntutan ganti rugi

SHAH ALAM - Pengguna yang terlibat dengan insiden kerosakan jalan berhak memfailkan saman ke atas syarikat penyelenggara atau kerajaan negeri bagi tujuan menuntut kerugian.

Ketua Pusat Penyelidikan Keselamatan Jalan Raya, Universiti Putra Malaysia (UPM), Profesor Dr Law Teik Hua berkata, kedua-dua pihak itu perlu bertanggungjawab sepenuhnya terhadap kemalangan berkenaan.

"Sebagai pengguna yang membayar cukai, sudah tentu mereka mengharapkan jalan raya dilalui itu bebas daripada segala kerosakan.

"Sekiranya mereka terlibat



**TENGGU AHMAD
MARWAN**

dengan insiden jalan raya rosak akibat kecuaiian kerajaan atau syarikat penyelenggara yang gagal menyelenggara dengan baik maka pihak berkenaan perlu bertanggungjawab sepenuhnya ke atas kerugian dialami pengguna,"



TEIK HUA

katanya kepada *Sinar Harian* pada Isnin.

Sementara itu, Ahli Bersekutu Institut Penyelidikan Keselamatan Jalan Raya Malaysia (Miros), Tengku Ahmad Marwan Tengku Mahmud berkata, aduan boleh dibuat kepada Polis Diraja Malaysia (PDRM) dan pihak berkaitan jalan raya terutamanya pemilik jalan, jika mereka mengalami kerosakan kenderaan atau kecederaan tubuh badan.

Ujar beliau, tuntutan yang boleh dibuat kepada pihak pemilik jalan adalah seperti ganti rugi am atau khas di mahkamah dengan bantuan khidmat peguam.